

CANADA GAKENDAASIWIN MAZINIGAN



Debnan \$500 Gdo binoojiinim niigaan bimaadziwin

Egitiinged maage e'naagdowenmiged, gdo gajitoon ezhi gshkitoowin awii naadmoowad gnijjaanis awii mna maajiishkaad. Gnimaa agwa zhaazhigwa agii maajii mkwendaanaadig gdo binoojiinim adoo skoonwinwin shkaa giijiitaad awii aanke gakendaasad. Gimaa Gamig maampii Canada gdii naadmaag awii zgaknaman zhoonyaa gdo binoojiinim awii aanke gakendaasad Zagakbiigan Gakendaaswin Zhoonyaa Zagknigewin Inaaknigewin (ZGZI).

Wegnesh maanda yaawang Canada Zgaknige Gakendaasiwin Mazinigan?

Owi Canada Gakendaasiwin Mazinigan aawan n'tam **\$500** bagidnigewin maagwewaad Gimaa Gamig Canada awii naadmaagin awii maajtaa'in zgaknigewin nangwa gdo binoojiinim awii aanke gakendaasad shkwaagii zhoonyaa gakendaaswin zhongewin. Gdo binoojiinim gegwa adaa debnaan \$100 ensa bibooneapiish mdaashi naanan piitzid. Maawaando mnik \$2,000 zhiwe ZGZI.

Owi zhoonyaa zhiwe ZGZI adaa nikaazam awii dabagaadege nowoonj agwa engindeg e'dagoosin aabji maage jina gakenjaaswin zhiwe:

- gabe-gakendaasiwin epiichi nakiitaagen;
- CEGEPs;
- gabe-gikendaasoowiigwaaman;
- inankiwin kinomaagewiigwaam; maage;
- ishpi-gikinoo'amaadiiwigiwaaman.

Ndo binoojiinim ana miigse awii debnang Canada Gakendaasiwin Mazinigan?

Gdo binoojiinim miigse awii debnan owi Canada Gakendaasiwin Mazinigan agiiishpin:

- agii n'daadzid Manidoo-giizis 1, 2004;
- maampii d'nakiid Canada;
- adaa-aan anokii agindaaswin mazinigan;
- giishin bangii zhoonyaa zhoonya inoodewiziwin; miinwaa
- naabdendang aawid owi ZGZI.

Binoojiin e'naagdewenjgaazad zhiwe Binoojiin Zhoonyaa bamitaagewin dabagaadege, baabgwaadam debnamwaad Canada Gakendaasiwin Mazinigan.

Wegnesh yaawang Zagakbiigan Gakendaasiwin Zhoonyaa Zgaknigaadeg Inaaknigewin (ZGZI)?

Owi ZGZI aawan Gakendaaswin zhoonyaa zgaknigewin age naadmaagin, gadoo inoodewiziwin maage gwiichkiwenig wiiba awii maa{j}i zgaknigewaad gdo binoojiinim woshme awii gakendaasad shkwaagii zhoonyaa ageshtoojig inoodewiziwinwaan. **Gaawiin memkaach gdii aanke toosiin zhoonyaa zhiwe ZGZI awa binoojiin awii debnang owi Canada Gakendaasiwin Mazinigan.**

Aniish agenji zgaknاما zhoonyaa ndo binoojiinim awii aanke gakendaasad?

Ganigen agwa bezhgwaa big zgaknigaadeg ensa giijigak bakaan adaa zhichgemgad.

Yaaman ZGZI, gdii naadmoowaa gdo binoojiinim adoo naamdamwin geget awii aawinanig. Aanke age Canada Gakendaasiwin Mazinigan, giishpin aanke toowin zhoonyaa zhiwe ZGZI gdo binoojiinim gakendaasiwin shkwaagii zhoonyaa gakendaaswin zhongewin. Ganimaa adaa debnaan Canada Gakendaasiwin Zgaknigewin Bagidinamaagewin.

Wegnesh yaawang Canada Gakendaaswin Zgaknigewin Bagidnamaagewin?

Owi Canada Gakendaasiwin Zgaknigewin Bagidnamaagewin aawan zhoonyaa Gimaa Gamig Canada



Canada.ca/education-savings | Canada.ca/epargne-etudes

e'zgaknamwaad zhiwe ZGZI gdo binoojiinim. Owi adaa aawan dabagewin apiinish \$500 ensa biboon, dabaamjigaadek mnik e'zgaknaman zhiwe RESP gdo binoojiinim. Agiishpin bangii gashkitoowaad gdo inoodewiziwin, adaa miigwenaa-aa aanke mnik zhoonyaa apiinish \$100 ensa biboon zhiwe ZGZI. Binoojin gnimaa adaa debnaan apiinish mnik \$7,200 Canada Gakendaasiwin Zhoonyaa Zagaknigewin Bagidnamaagewin zhiwe ZGZI awii aanke gakendaaswaad eshkwaad giizhiitaa-aad skoonwiwaad.

Owi Canada Gakendaasiwin Mazinigan na ada madookdaan bekaanag aanin Gimaa Gamig Canada Bamitaagewinan e'debnamaa?

Owi Canada Gakendaasiwin Mazinigan miinwaa Canada Gakendaasiwin Zgaknigewin Bagidnigewin gaawii mdookdaagemgasno aanin Gimaa Gamig Canada bamitaagewinan.

Aaniish ezhi nasaaknamaa ZGZI miinwaa ezhi debnamaa Canada Gakendaasiwin Mazinigan miinwaa Canada Gakendaasiwin Zagaknigewin Bagidnigewin awa binoojiin?

Gdaa nasaaknaan owi ZGZI odi zhoonyaa gamgoon, maage nesdowen-jgaadeg zhoonyaa naagdowenjgewin maage maamwi naagdewenjgaadeg gnoovenjgewin. Ninda zhoonyaa gamgoon, naagdewenjgejig miinwaa e'gnoovenjgejig aawog ZGZI maagwejig.



Shkintam Eshchigeng – Majidwen

Anokii Agindaason Mazina-igan (SIN) awa gdo binoojiinim. Wenpash. Giigidan: 1 800 O-Canada (1-800-622-6232), maagbidoon canada.ca/social-insurance-number woshme awii gakendman maage anizhaan odi Service Canada Centre besha endnakii-in.

Ekwaniizhing eshchigeng –

Dowaabam ZGZI nyaaggdowendang owi **maagwed Canada Gakendaaswin Mazinigan**. Aanin agwa ZGZI nyaaggdewendmajig gdaa gagwe-jmigoog awii dabaman enakiiwaad, maage nendwendaaggwok zhiwe ZGZIs, aapaji dash ishpendaagwad awii nda gakenjgewin miinwaa weweni awii gagwedwewin owii makoowad ZGZI nyaaggdowendang age miiksed giin nendwaamdaman.

Gnimaa gdaa gagwedwen:

- Endgwen oji yaamwaad Canada Gakendaasiwin Mazinigan miinwaa Canada Gakendaasiwin Zgaknigewin Bagidnigewin;
- Wegnesh dnoowaan ZGZIs eyaamwaad (inodewiziwin, n'jike bemaadzid maage maamwi wiijiiewin) miinwaa ezhi nishing miinwaa iniwewin ensa bebezhig;
- Wegnesh zhoonyaakewinan dnoowaa eyaamwaad miinwaa ezhi nishing miinwaa iniwewin bebezhig; miinwaa
- Engindaaswaad naagdewenjgewaad miinwaa maazhii-ii dabagewin yaawang.

Yaa-abi gagwedwewinan awii naadmaagycin makowad ZGZI maagwed memaanji miikseg ezhi dowendman, gnoowaamdan ZGZI bakiignigan odi Canada.ca.

Ekwa Nsing – Nsaaknan owi ZGZI. Gdaa gagwejmaa owa ZGZI maagwed awii naadmaag awii mooshkinebiiman mazinigan ezhinikaadeg: "APPLICATION: Basic and Additional Canada Education Savings Grant (CESG) and Canada Learning Bond (CLB)".

Aapiish age dinmaa naadmaagewin maage woshme gakendmowin?

Gimaa Gamig Canada

1 800 O-Canada (1-800-622-6232)
Hivayauta: 1-800-926-9105

Baa'izhaan Service Canada office besha end-nakii-in.
Canada.ca/education-savings
Canada.ca/epargne-etudes

Maajiibiigan:

Canada Education Savings Program

Employment and Social Development Canada
140 Promenade du Portage,
Phase IV, Mailstop: Bag 4
Gatineau QC
K1A 0J9

Canada Revenue Agency

Giishpin gegoo awii gagwedwewin owi zhoonyaa dabagewin maage bamitaagewin
1-800-959-8281

Financial Consumer Agency of Canada
Giishpin gegoo awii gikendaman awii naadmaagowin awii naagdowendaman ga'zhoonyaam
1-866-461-3222



Maanda mzinaakzigan gdaa kinwaabii-an odi canada.ca/publiccentre-ESDC.

Maanda gikendamowin maampii mazinigning Ojibewewin ahibiigaade.

Maanda gikendamowin age zhibiigaade zhaagnaashiimiwin miinwaa wemtigozhiimiwin odi: canada.ca/publiccentre-ESDC

Temgad gegwa maanda nowon nikii-aa agiishpin gakwedewin (mengibii gaadeg, ge-giibiingwed mazinbiigan, biindwesijigan, mazinaatesijigan, maage Waabigonii, abi giigidawin 1-800 O-Canada (1-800-622-6232). Wejibigeseg (TTY), giigidanl 1-800-926-9105

© Her Majesty the Queen in Right of Canada, 2018

Giishpin awii gikendaman aanji mazinaagzigaade dibendaasiwin:
droitdauteurcopyright@HRSDC-RHDCC.gc.ca.

Mazinigan

Cat. No.: Em4-18/2017Roj-PDF

ISBN: 978-0-660-27078-4